

KUMPUAN
RAM LEH HNAM
HUMHALH

YMA



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.23 3rd June, 2012

Final khel turin Chanmari West inbuatsaih

Chanmari West, June 3 : Chanmari West branch a din tirk atanga a vawi khat nan Central YMA buatsaih branch hrang hrang football-a inelnaah final kan khel dawn a, zirtawpni khan semifinal-ah 2-0 a Venghlui hnehin Vodafone Cup trophy la thei turin a vawrtawp kan chuang chhuak.

Venghlui hmaah H Lalnunzira (Zirtea)'n goal hmahruai minute 14-ah a thun a, Racy K Lalremmawia'n minute 19-ah pet lut ve lehin, heng goal hnihte hi ding lam sir atanga Lalremruata'n a siam luh ve ve a ni.

Kan veng hian thawlehnii khan quarterfinal-ah 2-0 in Bethlehem Vengthlang kan hneh. He inkhelah hian fuh takin striker pahnihte an inkawp a, Racy-an a siam luh chu Zirtea'n tauh lutin goal hmahruai a thun. Chawlhlawk hnuah captain K Lalrinchhana (Itana) chuan freekick pet Lalrinsanga Khiangte chuan a tauh luh bawk a, kan khel hnuhnun vawi hnihad vawi li kan thun laiin goal kan chhuah lo.

Inrinni kal ta khan round of 16-ah Ramhlun North nen kan intum a, inkhel hautak zetah Chanmari West team-in nungchang ropui tak lantirin, minute 80 lai player 10-a khel chhungin hnehnna an chang.

Minute 11-ah kan centre-back R Zoramthara hnawh chhuah niin Ramhlun North hian goal an thun zui

a. Player 10-a kan khel hnuin NASA takin player-ten thun tumin an bei a, minute 87-ah Itana'n freekick tha zeta a pet chuan goal kham a per a, hemi per let hi Zirtea'n thunin 1-1 in hun pangngaiah kan inhnehtawk.

Penalty petah kan goal veng Zonunthara che thani, hun pawimawh lutukah vawi hnih a dang a, 4-3 in kan tlang. Final kan thlen thlengin vawi ruk kan khel a, hun pangngaia kan chak hman loh awmchhu a ni.

Chanmari West hian tournament tan atangin goal 13 kan thun tawh a, heng zinga pariat hi Zirtea khung niin kan khel apiangin a la tilut ziah. Tournament kan hmachhawn chhungin goal hnih kan chhuah.

Thawtanni tla dar 2-ah champion lai Armed Veng nen final kan khel dawn. Team tawiawm turin branch YMA chuan vengchhung mipuite a sawm a, nunchang mawi tak nen inkhel en a, eng dinhmunah pawh kan team-te awm se a tawp rat thlenga tawiawm tlat turin mipuite a ngen nghal bawk a ni.



AR Lammual ruahsur hnuia rinawm taka Chanmari West team thlawptuten an neih leh theih chi hrang hrang hmangin player-te an au phur

Branch News

CYMA vodafone cup tournament neih chhoh mekah final luh a ni a. Kan player-te inpekna fakawm kan ti a, an tana thilpek petute chungah leh Players tawiawmtute chungah lawmthu sawi a ni.

Ni 4.6.2012 (Thawhtan) Dar 2:00 PM a A.R Lammual-a Armed Vengte nen final kan khel turah veng mipui a tam thei ang ber kan Player-te inkhel en turin kan insawm a ni.

Vodafone Cup Final en tur veng mipuite **kawr var** ha theuh turin Branch chuan a ngen.

In luah tur nei ten YMA atanga pem lehkha nei lote chu In luahfir lo hram turin kan in ngen e.

YMA Park-ah motor dah la awm thin hi branch committee chuan tha a ti lo hle a, a dah thin te dah tawh lo turin an ngen a, la dah luite chungah thil pawi a thlen pawhin an sawi buai thei lo vang.

Tun tournament atan hian Branch Executive member te'n Ni 1.6.2012 thleng khan Rs. 7400 an thawkhawm tawh a ni.

Tun tournament atan hian Pu Lal thanzara bialtu MLA chuan Rs 20000 min pe a, branch committee chuan lawmthu a sawi.

LUSUN KHAWHAR

Ni 28.5.2012 (Thawhtan) khan Pu R.Thansanga (YMA Life Member) Kum 71 H/o Lalrintluangi 'CH' Section chu a boral a, lusun chhungte branch committee chuan a tawrhpu tak zet a ni.

Ni 2.6.2012 (Inrinni) khan Tv. Lalchhuanawma (YMA Member) Kum 44 S/o Thanchhingi ;T' Section chu a boral a, lusun chhungte branch committee chuan a tawrhpu tak zet.

TUN KAR CHANGVAWN
“Min tichaktuah chuan engkim ka ti thei a ni”.

Phillippi 4:13

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinngheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalhmachhuana	9436151817

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

Editorial :

Vodafone Cup, 17th Inter Branch YMA Football Tournament-2012 chu kan khel mek a, tunah chuan kan nghahhlel em em final kan lut ta a, a ropui khawp mai; mahse, a vawrtawp kan la thleng lo deuh a, han tang tlang leh deuh ila, kan champion thei ngei ang.

Heti ang hunah hian mi inpe kan mamawh thin hle a ni. Kan veng hian kan hming thatna tur a ni tih hriain tan kan lak thar a ngai hle a ni. Kan player-te tan pawh hian inphal zau ila, an mamawh ang ang pawh tum hreh lo zel ila, a lawmawm khawp ang. Chutihlaui kan player-te pawh hian an theihna leh thiamnate nasa lehzuala hmang thei tura an inpek thar a ngai hle bawk.

Inkhel en pawh kan thiam sawt viau a, amaherawhchu hmasawn chu kan la ngai deuh thin a ni. Kan player-te hi kan puuh a, kan auh phur thiam a ngai a, midangte tan pawha tan awm taka kan awm thiam a ngai a ni. Buaina siam zawnga khawsak hi a mawi lova, kan sim hmak a ngai a ni.

A tawp berah chuan he inkhel hi kan theihna leh chakna a ni lova, Pathian min pek a ni tih kan hriat a, Amah kan chawimawi ngei a ngai a, eng dinhmunah pawh ding ila, lawm ila, kan champion a nih hlauh pawhin chapo nan hmang lo hram turin kan rilru kan siam a va tha em.

2012 Thuvawn

I awmdan tur chu LALPA chungah nghan la; Amah chu ring la, aman a ti vek ang.

Article : Kum 22 chhungin kan nghak chhuak dawn em..?

T-a

Kum nga awrha upa, kawng tinrenga insiam rem lai tan chuan tlangnel taka ram pum huap intihsikna hmachhawn turin rilru lamah kim lo tam tak a la awm.

Tunah chuan tha, thei leh thiam ber huanga mi niin kan inhria a, he dinhmun kan luah theihna chhan hi a tira bultantu leh mi thahnemngaithe thawh rah a ni lo thei lo.

Chanmari atanga branch YMA a indanna a la rei lo. AR Lammualah rawlthar Zosangliana'n fuh deuh deuhin ball a pet a, a thai nahl thei viau bawk. A bul maiah kum 20 vel bawr, tha za leh harh zet Samuel Zohmingliana awmin ball a khalk thei fu a, ball a chan tawh chuan zam lo zetin a tlanpui ngam deuh zel.

A hnung berah intlahrun hmel zetin kum 20 la tling lo tih hriat tak Zohmingliana'n goal a veng a, mahse, a che vel a zeiin mit a la hle a, a tih tur a hria a, a hmaa ball chhuak lakah a tlawn duh lo.

Tunah chuan Mizoram tournament ngaihhlut hlawh YMA football-ah Chanmari West-in hnuhma thar hnutchhiahin, kan khelh tawha kan la thlen san ber kan tawng mek a, trophy la thei turin final kan lut.

Kan veng tana inkhel zingah hmania rawlthar duhawm tak Sangliana a la tel a, mahse, a tha a thum ve tawh; a taksain a rilu a um phak loh avangin a tisual va ta fo mai. Tournament tir lamah khel mah se, naupang leh zuanzang zawk phenah hun a hman a tul. Mahse, 1995 YMA tournament kan en lai kha mitthlaah a lo lang a, chiang taka lang chu kan branch YMA tan kum 17 chhung Sangliana a inkhel tawh a, trophy a nghak rei ve ta hle.

Tun tuma Kawnpui Vengthar nen kan inkhel tum khan kan veng player zingah naupang rual kum 20 bawr leh a aia naupang - Lalremruata, Eric Zomuanpuah, Vanlalnunpuiaten hun tawp lamah hmuhnwam em emin an khel. Hmanah beiseina sang pawh nei ngam lova inkhel kan en lai a, rawlthar Sangliana, Mahmingte bakah Samuela (US-a awm ta)-te hovin thiam taka football an khel kha ka ngaihtuah chhuak a, engtin emaw tak chuan ka awm niin ka hria.

Football-a Chanmari boruak len vanglai 1990 kum tirah branch YMA a indang a, la naupang hle mah ila Chanmari nen veng khata kan awm lai boruak kha kan tem ve hman. Kan indan tirh laia football-a kan pachhizatza leh hruaitute'n thahnem ngai taka team an kaihruai dante pawh mitthlaah

cham tawk a la awm.

1990 khan Chanmari West-in a vawi khat nan YMA tournament kan hmachhawn a, PHE striker hmingthang tak Pu F Lalrova hovin middle school kawtah theihtawp chhuahin an inbuatsaih. Football-ah la hniat hle mah ila, hemi kum hian AR Lammuala khel pha team tha 16 zingah kan tel nhal a, kan branch YMA office bearer hlui Pu C Lalhazuala'n Vaivakawn field-ah duh tawka ball a khalk lai leh kan veng goalkeeper hmasa ber Pu F Zohmingthanga'n nahl tak taka ball a zuan vel lai kha a hmute tan theihnghilh mai chi a ni lo.

Hemi kum hian team 68 an chhuak a, a che tha pawl kan ni a, kan inbeisei aia sang kan thleng ti ila kan sawi sual lo vang. Lammual ruahsur hnuiah Chaltlang nen kan intum a, tihanghna a awm tawh lo. Mahse, kan mi hmasate hian naupang zawkte thinlungah thil tam tak an hnutchhiah a, YMA tournament buatsaih a nih leh hmasak ber 1995-ah player naupang duhawm zawk Sangliana leh Mahmingate bak pawh an chhuak nual a, thleng sang lo mah ila mawi takin Lammualah an khel thei a, kan player thenkhat phei chu hetih hun laia Mizoram club thain an la nhal.

A hnuah Pu Vanlalchhandama'n beihpuithlakin Chanmari West football chawikan tumin kum nga chuang rim takin player a kaihruai. First division-ah hial inhlankaiin 2002 khan veng hlang deuhthawin Lungleiah club inelna sang MFA Cup kan khel thei a, mahse, YMA football-ah quarterfinal kal pel khawpin hnuhma kan nei zo lo. Aizawl district inter village-ah semi-final lutin uiawm takin kan tla a, kan vengah football boruak a lian.

2000 bawr vel kha Chanmari West football boruak len vanglai tak tiin a sawi ngam mai thei. Hetih hun lai vel hian kan vengah mipa kum 12-15 inkar vel inkhel thin leh phur an tam em em a, an u-te entawna an puitlin huna veng aiawha Lammuala inkhel chak an nih bakah, eizawnna kawng a inhwang ti hre tel chunga football khel nuam ti em em an ni.

Awmze neia kaihruai an tul nia ka hriat avangin eng mah nei lovin club ka din ve ringawt a, mumal takin football khel thei se tih ka duh vang a ni. Rei pawh ka kalpui thei lo; chutih lai chuan kan kawmthlang lamah Pu Zarate'n naupang rual tan Ote-i club an siam bawk a, intununa leh inzirtirna tha tak

Phek thumnaah zawm a ni..

NEUVA

Ni 1.6.2012 (Zirtawp) zan khan section committee pawimawh tak Pasaltha Neuva Inah that a ni.

YMA day pualin section chhung in tinah YMA flag zar theuh tur a ni a, flag hi section ten Rs. 20/- a khul turin zawrh tum a ni. Tin, hemi atan hian Ni 5.6.2012 (Thawhleh) zan hian flag siam hnatlang koh tum a ni.

Ni 21.6.2012 (Ningani) hian Section intuaitharna neih tum a ni a, member kal tumten Ni 17.6.2012 (Chawlhnri) ral hma in Tv. R. Laltlankima, secretary hnenah Rs. 50 leh Buhfai no. 2 kengin hming pek tur a ni.

Vodafone Cup, Inter Branch YMA Football tournament-a Chanmari West YMA-in final a lut chu lawmawm an ti a, champion ngei se an ti.

Hruaitute leh member te YMA hmalakna ngai pawimawh turin leh hawkchuak tam turin an inchah.

CHAWNGBAWLA

An Life member Pu R. Thansanga chuan ni 28.5.2012 khan a boralsan a, section YMA chuan an uiin, a kalsan tak a chhungte an tawrhpu hle.

Pu Chunga (L) in bulah pendrive chhar a ni a, a neitu chuan CH-secretary Tv Mawia hnenah lam theih a ni e.

Vodafone Cup 17th Inter Branch YMA Football Tournament a CWBYMA-in Final a thleng chu lawmawm an ti a, player leh coach-te inpeknaah lawmthu an sawi a, Final-ah pawh chak ngei turin duhsakna an hlan.

An section member Pu Gordon Zoramchhana chu Services-ah Captain niin Santosh Trophy-2012-ah a team a champion pui a, an lawmpuiin an chhuang hle.

VANAPA

Kar leh hun remchangah committee koh tum a ni.

Pu Remsangpua te an fapa dam loh avanga Durtlang damdawi Ina awm mek chu dam taka an lo chhuah leh thuai an duhsak.

Lung lumin a tih chhiat Pu Zairemthangate in leh Pu Biaksangate in siamthat nan leh hliam tuarte tanpuinana zangnadawmna an dawn theihnana hmalatu Pu Rothuama adviser chungah an lawm hle.

R. Lalramnghinglovi d/o R. Lalrammawia chuan Cl-XII-Arts (CBSE) 2nd Div ah a pass a, an lawmpui hle.

Kumin YMA day chu section-a hman tur a nih dawn avangin hman duh dan leh rawtna neite chuan hruaitute hnenah hriattir theih a ni e. Hruaitute leh member-te hmalakna ngai pawimawh turin an inchah.

TAITESENA

Ni 5.6.2012 (Thawhleh) zan hian Section Committee meeting tum a ni a, memberte hunawl lo insiam theuh turin kan inngei e.

House No leh Name plate enfel mek a ni a, la nei lo leh nei tha loten hruaitute hnenah hriattir tur a ni.

An section chhunga damlote an dam leh thuai nan duhsakna an hlan.

17th Inter Branch YMA Football Tournament a Chanmari West Branch YMA-in Final an thleng chu lawmawm an ti a, kan champion ngei an beisei.

**YMA team tana
mimal sum thawtute**

Pu Lal thanzara, bialtu MLA	Rs 20000
Tv Hmangaihuala, V	Rs 4000
Pu Lalbiakthanga Khiangte, CH	Rs 2000
Pu Lalrengpua Sailo, CH	Rs 500
Pu VL Hmuaka, V	Rs 500
Pu C Zonunsanga (Zotea), T	Rs 200
Pu Lalliansanga (Malala), K	Rs 200
Pu F Thangpuia, K	Rs 1000
Pu H Lalrinthanga, V	Rs 500
Pu Lalhunsanga(Sangtea), T	Rs 500
Pu F Zosanga, K	Rs 1000
Pu Lalriata Colney CH	Rs 700
Pu RK Daniela, K	Rs 500
Pu RK Malsawmkima, T	Rs 1000
Pu John Zosangliana, T	Rs 1000
Pi Lalringliani, T	Rs 1000
Pu Lalthlangdika, V	Rs 200
Pu P Lalramliana, T	Rs 200
Pu H Vanlalsanga, K	Rs 100
Pu CT Vawra Zote, CH	Rs 100
Pi Zamanthangi, K	Rs 1000
Pi Thankhumi w/o C Lalramdina(L), CH	Rs 1000
Pu Lalchhandama Ralte, CH	Rs 2000
Pi Biakhluni, K	Rs 1000
Er. R Lalthazuala, V	Rs 1000

Mimal thahnemngaita thilpek :

Pu RK Rozidinga, T - Zo artui pum 40 chuang, vitamin man to, jersey-a thu ziahna zawng zawng.

Pi R Lalbiakdiki, V - team tan ruai

Pu C Zonunsanga T - team tan ruai

Pu H Lalnuntluanga V - thingpui vawi 2

5. Motor thawh thintute - Pu Lalrinliana (Tea) 'K', Pu Lalchhanhima 'K', Pu RL Thanhnuna 'T', Pu TC Lalhmangaiha 'CH', Pu HVL Zasanga 'N', Pu FLala 'V',

(Phek hnihna article zawmna....)

nen rei tak changtlung zawkin an kalpui a, player eng emaw zat an chher puitling.

Tunah chuan Chanmari West YMA team chhuanawm tak a lo piang ta. He team-a player pawimawhte hi an naupang laia Ote-i club tana awmze neia vawi tam football khel tawh leh ka club-a ka enkawl ve tawhte an awm nual. Thawhrimna, inhlanna, khawthlir thui leh inthununna tha an neih avang a ni a, ka hriat chian em em chu ka club-a an khelh lai khan K Lalrinchhana leh H Lalnunzirate hi a thiam ber an ni lo va, a tir lamah phei chuan a tikimtu ang chauhin an tel ve.

Champion thei kan ni tiin kum 10 kal ta atang khan kan venga football tuipuitute chuan au hla an nei tawh a, kan thleng sang thei si lo va, anchhia inlawh leh insawisela thawm pawh a tam. Football a tlahniam leh hman a, mahse, Pu Malalaten thahrem ngai takin an bei a, a chhiat ber lai pawhin an kalsan duh lo va, sawisela karah tun hi kan thleng.

1997-a third division champion kan nih atang khan football-in min chiah hneh tan. Tunah hian 2000 bawra kan player rinrawl, tuna kum 30 chuang tawh Sangliana, Mangheta, Laltanate an la awm a, an teirei peih avangin an thian hlui leh an khelhpui thin tam takte thik tham hlawhtlinna changtu zingah an tel mek.

Footballer vanglai, kum 22-28 inkar Ziona, Itana, Zirtea, Racy, Zorama-te an awm bawk a, anni hi tuna kan team neih mekah hian rinrawl an ni tak meuh. Player naupang zawk, nakin lawka kan inngahna la ni mai tur Maruata, Lalrinsanga, Erica, Rinzuala, Buanga, Lalnunpuate an awm leh bawk. Kan squad hi en ila, a funkim em em a, naupang, vanglai leh upa zawkte nen kan inpawlth tha hle. Heti ang squad hi neih zen zen theih a ni lo.

YMA football tournament vawi 17-na final-ah hian Armed Veng hneha kan champion thei a nih chuan trophy la thei 11-na kan ni dawn a, kuminah team 134 telin champion tawh chu team 10 chauh an ni. Adin atanga kum 22-naah branch YMA-in football-a hlawhtlinna ropui a chang dawn tihna a ni a, 2015-a silver jubilee kan lawm hma ngeia champion theih hi thil chakawm tawpkhawk a tling hrim hrim.

YMA volleyball-ah kan champion tawh a, tuna football team hian a vawrtawp an chuang chhuak a nih chuan YMA football chanchinah phek ropua nemkai tur an ni dawn. Chu mai bakah kan veng football tan 'chhuan rangkachak' tia kan hriat zui turtie an ni.

Pu JK. Zosangliana CH - Tawtawrawt thehnem tham tak

Pu R Lalmachhuana V - first aids kit

Pu K Laltanpuia CH - Taaza litre 12

Hming thupten - football jersey mawi tak

Pu Lalrinliana (Tea) K - team tan zanriah Veng mipui zawng zawng rilru leh tha, tawngtaina nen.

YMA tournament-a sum hmuh leh hman (June 1 thleng)

<i>Hmuhnna</i>	
1. YMA member thawh	-Rs 24860
2. Zofa Cultural Club	- Rs 1000
3. Mimal thawh khawm	- Rs 41200
4. Branch Exe. thawh	- Rs 7400
5. Branch Main Account	- Rs 6000
Total	- Rs 80460
Sum hman zawng zawng	- Rs 52380
Balance	- Rs 28080

KEIMAHNI

» Kum 2011 YMA AW issue pumpui Central YMA-ah endik tura thehluh a ni a, Lois Bet-in man lova min cut sak avangin an chungah lawmthu kan sawi.
 » YMA AW a thusep bengvar tlak tak rawn ziak thin Pu R. Thansanga CH chuan min boralsan a, YMMAW editorial board chuan kan uiin a chhungte kan tawrhpu hle.

HRIATTIRNA

Thawhtana kan branch YMA football team final kan khelh hunah chhim lam gallery-a thu tur kan ni a, fan-ten kawr var hak theuh tur a ni. Buai lovin mawi takin au tur a ni bawk.

PAWISA CHHAR

YMA Park-ah pawisa chhar a ni a, a tibo chuan tunkar chhungin Springdale school-ah lam theih a ni e.

ZOFA

» Ni 30.5.2012(Nilaini) khan Dress suk hnatleng an nei a, tlai lamah chawhlui an kilho nghan a, ei leh in siamsaktu Pu Nundangate chhungkaw chungah an lawm hle.

» CWBYMA football Tteam tan Rs 1000 an pe.

» Chanmari West branch YMA football team chu champion ngei turin duhsakna an hlan.

COMMON SERVICE CENTER

Mizoram Sawrkar hnuiah Common Service Centre atan thlan kan ni a, heng Certificate chi hrang hrang 1. Income Certificate 2. Residential Certificate 3. Tribal Certificate 4. Inner Line Permit (ILP) New/ Renew te eDistrict kal tlangin kan pe chhuak thei e.

DAZZLECHIPS CYBER CAFE (Common Secvice Center)

Chanmari, Aizawl.

Prop : Rollick Lalnuntluanga
(2-2) Ph : 9436360882

Local Council

HRIATTIRNA

» AMC Area chhungah tu pawhin In sa tha than tur emaw, sak belh tur emaw, thiat leh sa tha than tur tawh phawt chuan AMC-ah dilna Form lain Local Council kaltlanga dil vek tur a ni. AMC phalna la hmasa lova inrel chu an hna chawlhtir leh thiahtir nghan theih a ni ang.

» The Mizoram Shops & Establishment Rule 2012-chu a takin sawrkarin a lo hmang ta a. He rule-in a phut angin Dawr chi hrang hrang, Workshops, Carpentry Workshops, Quarry, Cinema Hall, Intihhlimna hmun, Picnic Spot, Steel fabrication leh he danin a huam zawng zawnge chu Directorate of Labour, Employment & Industrial Training, Upper republic-ah in register vek tur a ni.

LAWMTHU SAWINA

Kan nu Vanlalchhuangi, East Phaileng, Ni 19.5.2012 (Inrinni)-a min boralsan tak chungchangah a tul ang angin Chanmari West veng nu leh pa, thalaite'n min buaipuiin, kuang mawi taka min thlah liam avangin Chanmari West Branch YMA chungah lawmthu kan sawi tak meuh va. Tin, East Phaileng tlenga motor-a min zuitute leh sum leh pai senga min tanpuitute zwing zwing chungah lawmthu kan sawi tak tak zet bawk a. Keini chhung chuan in thatna hi kan rul seng dawn lo che u a, Lalpa'n a let tam takin malsawm che u rawh se.

In khawngaihna dawngtu,
Lalthanhrla te chhungku,
Chanmari West, N-sect, H.No-95

CARD TI BO

Ka BPL family card No 206 chu Pu Thanthuama 'N' section leh Pu L. Thakima 'T' section-te in inkarakat ka ti bo a, a lo hmu emaw chhar emaw chuan min pe leh turin ka ngen a che.

NGURNUNMAWII
T-section, Ph. No- 9862383801

LG & SAMSUNG

Euro Special Discount

TV, LCD
Sukam Inverter kan nei bawk

i - One Multi Brand
Vaivakawn, Zotlang peng
(4-4) Ph. 9862492830

ENG NGE AN SAWI

» A mawiah ni lovin, dan angah ni hek lovin, a thei theih mahni hmun theuhah Pathian hnenah lawmthu i sawi ang u.

Lalrinliana (Tea) Br. Executive

» Mi inphalten kan branch team tan thil pek an rawn pe a, a lawmawm, mi tlawmngai pe thei kan la awm a nih chuan a lawmawm hle zel ang.

K. Darthantluanga Br. Fin secretary

» Kan veng player-te an champion chuan Ui ka lei sak ang...

R. Lalhmachhuana Br. Vice President

» Veng tan chuan theih tawkin kan lamin kan zai mai tur a ni.

Zairemmawia Br. Asst. secy

» Semi-final-ah khan lammualah ka lam nasa lutuk a, kan nu'n min lo kam khat; mahse, final kan lut tho.....

RL Thanhnuna Br. secretary

» Kan veng kan champion chuan kumkhua pawhin jail tang tawh mah ila pawi tihna ka nei lo.....!!

Lalduhawma 'K'

» Kan veng chuan Football-ah bungtar kan kai ta...!

Masangtea 'N' News Editor

» Kan pasaltha sai ramchhuakte hian sanghal pawh rawn kap se kan lawm tho vang, sai ngei a ni kan duh ber erawh chu...

Thuamluaia Br. executive

» Kan veng inkhel entute inpekna a fakawmin a ropui; mahse, pawr tak si, buaina siam lo zawnga khawsa turin ka duh a ni.

T. Ngurkhuma, Br. president

» Mangheta leh Zosangliana te hian vawi tam tak YMA tournament hi an lo khel tawh a, semi final an la khel ngai lova, kei chuan ka vawikhat khelhnaah semi final ka khel nghan.

David-a football player

» Kan veng inkhel leh hun chuan chhas chhe lo deuh deuh kal tam se, keini ang chu kan kal tam a ni mai.

C. Sangpuia & Pathara CH (Ler)

» Kan vengah gas sem turin an au a, reilote karah motor kal theih loh chhuanlamin an tlak leh a, hetiang a park leh Pu Rawna point-te min hrem hi a na ka ti, gas a vang si a.

Mapuia CH

FRIDGE AND WASHING MACHINE REPAIRING WORK

Hunthar peng bulah engtik lai pawhin pan leh koh theih reng kan ni e. Kim Kim Fridge and Washing machine repairing Work.

Prop : TC. LALTHANGLIANA
(2-1) Ph : 9612194396